

四庫全書

集部

欽定四庫全書

五百家註柳先生集卷七

碑銘

南嶽雲峯寺和尚碑

韓曰南嶽衡山也在衡州按塔銘和尚死於貞元十七年九月葬以十月其年秋公方調藍田

尉此碑及塔銘皆同時作

乾元元年某月日

孫曰乾元肅宗年號元年歲在戊戌

皇帝曰予欲俾慈

仁怡愉洽于生人惟浮圖道允迪乃命五嶽求厥元德

以儀于下

童曰儀謂表儀

惟茲獄上于尚書其首曰雲峯大師

法證凡蒞事五十年貞元十七年乃没其徒曰詮曰遠

曰振曰巽曰素凡三千餘人其長老咸來言曰吾師軌

行峻特

童曰軌法也又說文云車轍也。軌居消切

器宇弘大有來受律者

吾師示之以為尊嚴整齊明列義類而人知其所不為

有來求道者吾師示之以為高廣通達一其空有而人

知其所必至元臣碩老稽首受教髻童毀齒

集註髻童子垂髮貌

說文云齟毀齒也男八月而齒生八歲而齒生七歲而齟。髻音退

踴躍執役故

從吾師之命而度者凡五萬人吾師冬不燠裘

燠乙六
咸遇二

切飢不豐食每歲會其類讀羣經俾聖言畢出有以見

其大又率其佾伐木輦土作佛塔廟洎經典俾像法益

廣有以見其用將沒告門人曰吾自始學至去世未嘗

有作焉然後知其動無不虛靜無不為生而未始來歿

而未始往也

二而下或
有二知字

其道備矣願刻山石知教之所

以大其詞曰

師之教尊嚴有耀恭天子之詔維大中以告後學是效

師之德簡峻淵默柔惠以直渙焉而不積同焉而皆得

茲道惟則師之功勤勞以庸維奧秘必通以興祠宮遐

邇攸從師之族由號而郭

孫曰周武王封文王弟號叔于西號平王東遷奪號叔之

地與鄭武公求號叔之裔孫序封于陽曲號曰郭公號謂之郭聲之轉也世德有奕從佛于

釋師之壽七十有八維終始罔缺丕冒遺烈厥徒蒸蒸

維大教是膺維憲言是徵溥博恢弘如川之增如雲之

興如嶽之不崩終古其承之

南嶽雲峯和尚塔銘

雲峯和尚族郭氏號法證為竺乾道五十有七年年七

十有八貞元十七年九月十七日終十月二十七日葬

凡度學者五萬人

一有為字

弟子者三千人色厲而仁行峻

而周道廣而不尤功高而不有毅然居山之北峰以為

儀表世之所謂賢人大臣者至南方咸所嚴事由其內

者聞大師之言律義莫不震動悼懼如聽誓命

補註此即前碑

所云有來受律者吾師示之以尊嚴整齊明列義類而人知其所不為也

由其外者聞大師

之稱道要莫不悽款欣踴

款音希

如獲肆宥

補註此即前碑所云有來

求道者吾師示之以高廣通達故時推人師則專其首
一其空有兩人知其所必至也

詔求教宗則冠其位披山伐木崇構法宇則地得其勝
捐衣去食廣閱羣經則理得其深其道實勤而其心無
求自大師化去教亦隨喪嗚呼大師之墓門人慕號長

老愁痛遂相與以為茲塔礮石峻整植木蓊茂

蓊草木盛貌。

蓊烏孔切
又音翁

凡衡山無與為此者然而未有能紀其事余

既與大乘師重巽遊巽其徒也亟為余言故為其銘銘

曰

苞元極兮韜大方威而仁兮幽以光行峻潔兮貌齋莊
氣混溟兮德洋洋演大律兮離毫芒度羣有兮耀柔剛
棟宇立兮像法彰文字闡兮聖言揚闡齒善切詔褒列兮宅
南方道之廣兮用其常後是式兮宜久長閔靈室兮記
崇岡即玄石兮垂文章學者慕兮哀無疆

南嶽般舟和尚第二碑

韓曰公嘗作南嶽彌陀和尚碑謂代宗時有僧
法照言其師南嶽大長老有異德天子禮焉名
其居曰般舟道場與此碑合孫曰按碑云前永
州司馬員外置柳宗元撰并書元和三年十月

二十九日僧景
秀立刻者林鴻

佛法至于衡山及津大師始修起律教由其壇場而出
者為得正法其大弟子曰日悟和尚盡得師之道次補
其處為浮圖者宗世家于零陵蔣姓也和尚心大而行
密體卑而道尊以為由定發慧必用毗尼為之室宇遂
執業于東林恩大師究觀祕義乃歸傳教不視文字懸
判深微登壇蒞事度比丘衆凡歲千人者三十有七而
道不愚以為去凡即聖必以三昧為之軌道遂服勤於

紫霄遠大師修明要奧得以觀佛浩入性海洞開真源

孫曰碑本作廊開真源

道場專精長跪右遶

碑本無長跪二字

不衡不倚

碑本無不衡二字

凡七日者百有二十而志不衰初開元中詔

定制度師乃居本郡龍興寺肅宗制天下名山置大德

七人茲嶽尤重推擇居首師乃即崇嶺是作精室闢林

莽

碑本作新林莽

剏巖巒

韓曰小山而銳曰巒。巒音鸞

殿舍宏大廊廡修直

韓曰說文云廡堂下周屋。廡音武

不命而獻力不祈而薦貨凡南方顯

念佛三昧者

顯音專

必由於是命曰般舟臺焉和尚生十

三年而始出家又九年而受具戒又十年而處壇場

碑本

處作居又三十七年而當貞元二十年正月十七日化于

茲室嗚呼無得而修故念為實相不取于法故律為大

乘壞衣不飾揣食不味

揣聚貌。覆徒官切。

薦薦服役凡出于生

物者擯而勿用不自知其慈攝取調御凡歸於正真者

動而成羣不自知其教萬行方厲一性恒如寂用之涯

不可得也有弟子曰景秀嗣居法會欲廣其師之德延

于罔極故申明陳辭俾刊之茲碑銘曰

像教南被又津而尊威儀有嚴載聞其門吾師是嗣增

濬道源度衆逾廣大明羣昏乃興毗丘微密是論

盧昆切

八萬總結彰于一言聲聞熙熙遐邇來奔如木既拔有

植其根乃法般舟奧妙斯存百億冥會觀于化元同道

祁祁祁祁盛貌功庸以敦如水斯壅流之無垠

垠岸也垠音銀帝求

人師登我先覺赫矣明命表茲靈嶽于彼南阜齋宮爰

作負揭致貨時靡要約袒奮程力不呼而諾是刈是鑿

既塗既斷層構孔碩以延後學出不牛馬服不絮帛匪

安其躬亦非其食勤而不勞在用恒寂縱而不傲在捨
恒得洪融混合孰究其跡懿茲遺光式是嘉則容貌往
矣軌儀無極其徒追思賡薦茲石

南嶽大明寺律和尚碑

儒以禮立仁義無之則壞佛以律持定慧去之則喪是
故離禮於仁義者不可與言儒異律于定慧者不可與
言佛達是道者唯大明師師姓歐陽氏號曰惠開唐開
元二十一年始生天寶十一載始為浮圖大厯十一年

始登壇為大律師貞元十三年十一月十一日卒元和九年正月其弟子懷信道嵩丘無染等命高道僧靈嶼為行狀列其行事願刊之茲碑宗元今掇其大者言曰師先因官世家潭州為大姓有勲列爵位今不言大浮圖也凡浮圖之道衰其徒必小律而去經大明恐焉於是從峻洎侃以究戒律而大法以立又從秀洎昱以通經教而與義以修由是二道出入隱顯後學以不惑來求以有得廣德二年始立大明寺于衡山詔選居寺僧

二十一人師為之首乾元元年

韓曰以史考之乾元肅宗即位之三載廣德代

宗即位之一載如此則乾元當在先廣德當在後然此碑正謂南岳大明寺律和尚則大明寺始立于廣德為信當是乾元字誤矣一本

于此特曰某年疑之也又命衡山立毗尼藏詔選講

律僧七人師應其數凡其衣服器用動有師法言語行

止皆為物軌執巾匱

孫曰左氏傳奉匱沃盥注匱沃盥器也。匱音移又演爾切

奉

杖履為侍者數百翦髮髻被教戒為學者數萬得衆若

獨居尊若卑晦而光介而大灝灝焉無以加也

韓曰說文灝夷

灝也。其塔在祝融峯西址下

孫曰衡山有五峯祝融其一也

碑在塔

東其辭曰

儒以禮行覺以律興一歸真源無大小乘大明之律是
定是慧不窮經教為法出世化人無疆垂裕無際詔尊
碩德威儀有繼道徧大州徽音勿替祝融西麓

山足曰麓。麓。

音鹿洞庭南裔

商末也。裔音曳。

金石刻辭彌億千歲

碑陰

凡葬大浮圖無窆穴

童曰窆穿地也。窆音釧。

其於用碑不宜然昔

之公室禮得用碑以葬其後子孫因宜不去遂銘德行

用圖久于世及秦刻山石號其功德亦謂之碑而其用
遂行然則雖浮圖亦宜也凡葬大浮圖其徒廣則能為
碑晉宋尚法故為碑者多法梁尚禪故碑多禪法不周
施禪不大行而律存焉故近世碑多律凡葬大浮圖未
嘗有比丘尼主碑事今惟無染實來涕淚以求其志益
堅又能言其師他德尤備故書之碑陰師凡主戒事二
十二年宰相齊公映李公泌趙公憬尚書曹王臯裴公
胄侍郎令狐公峘

已上六人
史皆有傳

或師或友齊親執經受大

義為弟子又言師始為童時夢大人緇冠素舄

韓曰說文緇解

色為履也。緇音果。舄音昔。

來告曰居南嶽大吾道者必爾也已而

信然將終夜有光明笙磬之音衆咸見聞若是類甚衆以儒者所不道而無染勤以為請故末傳焉無染韋氏女世顯貴今主衡山戒法

衡山中院大律師塔銘

衡山中院大律師曰希操沒年五十七

沒年一作末年既沒二

十七年弟子誠盈奉公之遺事願銘塔石公咎姓

咎子感切

凡去儒為釋者三十一祀掌律度衆者二十六會南尼
戒法壞而復正由公而大興衡嶽佛寺毀而再成由公
而不變故當世之士若李丞相泌道未嘗屈覩公而稽
首尊之不名韓曰公前于大明師碑嘗謂丞相李公泌
執經受大義今又謂覩大律師而稽首尊
之則師之出處蓋出世之士若石廩公瓚公孫曰衡山
有石廩峯
必與大明師同

言未嘗形遇公而歎息推以護法是以建功之始則震

雷大風示其兆滅跡之際則隕星黑祲告其期

韓曰說
文云祲

精氣感祥春秋傳見
赤黑之祲。祲音侵

斯為神怪不可度已故其與物大

同終始無爭受學之衆他莫能偕也凡所受教若華嚴
照公蘭若真公荊州至公律公皆大士凡所授教若惟
瑗道郢靈幹惟正惠常誠盈皆聞人嗚呼始終哉為之
銘曰

首有承兮卒有傳革大訛兮持法權衆之至今志益虔
雷發兆兮功已宣星告妖兮壽不延靈變化兮迎大仙
礱茲石兮垂萬年世有壞兮德無遷

欽定四庫全書

五百家註柳先生集
卷七

十

五百家註柳先生集卷七

欽定四庫全書

五百家註柳先生集卷八

行狀

段太尉逸事狀

集註段太尉秀實也字成公新舊史皆有傳此狀公元和九年在永州作集又有與史官韓愈致段太尉逸事書狀當在書之先云

太尉始為涇州刺史時

孫曰大歷十二年邠寧節度使白孝德薦秀實為涇州刺史使

汾陽王以副元帥居蒲

孫曰是歲正月以汾陽王郭子儀為關內河東副元帥河東節

欽定四庫全書

五百家註補元生集

一

度等使治河中
河中蒲州也

王子晞為尚書

孫曰晞子儀子時為左常侍不為尚書恐誤晞

音領行營節度使寓軍邠州

孫曰子儀自行營入朝晞在汾州土故縱不法○邠

悲中

縱士卒無賴邠人偷視暴惡者卒以貨竄名軍伍

中則肆志

竄取亂切卒一作率

吏不得問日羣行丐取於市不嫌

不嫌不足也
○嫌音嫌

輒奮擊折人手足椎釜鬲甕盎盈道上

童

鬲鼎屬盎盆也釜音輔正作鬬○鬲音歷盎於浪切盈字一本作蔡與撒同讀如蔡蔡叔之蔡新史改作盈故或作盈一袒臂徐去

袒字一作把非是

至撞殺孕婦人

撞傳

邠

寧節度使白孝德以王故戚不敢言太尉自州以狀白

府願計事至則曰天子以生人付公理

付一作分

公見人被

暴害因恬然且大亂若何孝德曰願奉教太尉曰某為

涇州

韓曰涇與郃州皆隸關內道

甚過少事今不忍人無寇暴死以

亂天子邊事公誠以都虞候命某者能為公已亂使公

之人不得害孝德曰幸甚如太尉請既署一月晞軍士

十七人入市取酒又以刃刺酒翁壞釀器

壞音怪又胡怪切釀女亮

切酒流溝中

流一作留

太尉列卒取十七人皆斷頭注槩上

童曰說文云槩長子也○槩音朔

植市門外晞一營大譟

譟先剗切與噪同

盡

甲孝德震恐召太尉曰將奈何太尉曰無傷也請辭於
軍孝德使數十人從太尉太尉盡辭去解佩刀選老嫗
者一人持馬

童曰說文雙不能行也
○雙蒲結俾亦二切

至晞門下甲者出

太尉笑且入曰殺一老卒何甲也吾戴吾頭來矣

補註
卽太

史曰宋景文修新史曰吾戴頭來矣去一吾
字便不成語吾戴頭來者果何人之頭耶

甲者愕因

諭曰尚書固負若屬耶副元帥固負若屬耶奈何欲以
亂敗郭氏為白尚書出聽我言晞出見太尉太尉曰副
元帥勲塞天地當務始終今尚書恣卒為暴暴且亂亂

天子邊欲誰歸罪罪且及副元帥今邠人惡子弟以貨
竄名軍籍中殺害人如是不止幾日不大亂大亂由尚
書出人皆曰尚書倚副元帥不戢士然則郭氏功名其
與存者幾何言未畢晞再拜曰公幸教晞以道恩甚大
願奉軍以從顧叱左右曰皆解甲散還火伍中敢譁者
死太尉曰吾未晡食張曰晡晚食也○晡音逋請假設草具既食曰
吾疾作願留宿門下命持馬者去旦日來遂臥軍中晞
不解衣戒候卒擊柝衛太尉旦俱至孝德所謝不能請

改過邠州由是無禍先是太尉在涇州為營田官

孫曰白孝

德初為邠寧署秀實度支營田副使

涇大將焦令謨

音忱

取人田自占數十

頃給與農曰且熟歸我半是歲大旱野無草農以告謨

謨曰我知入數而已不知旱也督責益急且饑死無以

償即告太尉太尉判狀辭甚異使人求諭謨謨甚怒召

農者曰我畏段某耶何敢言我取判鋪背上以大杖擊

二十垂死與來庭中太尉大泣曰乃我困汝即自取水

洗去血裂裳衣瘡

衣於既切

手注善藥旦夕自哺農者然後

食

張曰哺啜也
○哺音逋

取騎馬賣市穀代償使勿知淮西寓軍

帥少尹榮剛直士也入見譔大罵曰汝誠人耶涇州野

如赭

說文赭赤土也
○赭音者

人且饑死而必得穀又用大杖擊無

罪者段公仁信大人也而汝不知敬今段公惟一馬賤

賣市穀入汝汝又取不恥凡為人傲天災犯大人擊無

罪者又取仁者穀使主人出無馬汝將何以視天地尚

不愧奴隸耶

諫郎計切

雖暴抗然聞言則大愧流汗不能

食曰吾終不可以見段公一夕自恨死

孫曰段公別傳
云大曆八年令

詰猶存者蓋公之得於傳聞其實令謚不死

及太尉自涇州以司農徵

孫曰建中

元年二月秀實自涇原節度使召為司農卿

戒其族過岐

岐山名岐音祁

朱泚幸致

貨幣慎勿納

泚此禮切

及過泚固致大綾三百匹太尉壻韋

晤堅拒不得命至都太尉怒曰果不用吾言晤謝曰處

賤無以拒也太尉曰然終不以在吾第以如司農治事

堂棲之梁木上

一本無之字

泚反

孫曰四年十月詔涇原節度使姚令言率師救哥舒

睨丁未出京城至潼水倒戈謀反乃於晉昌里迎朱泚為帥

太尉終

孫曰庚戌泚殺秀實興元年

二月贈秀實太尉謚忠烈

吏以告泚泚取視

一有其故封識具存

議音

志

太尉逸事如右

元年九月日永州司馬貲外置同正員柳宗元謹上
史館今之稱太尉大節者出入以為武人一時奮不慮
死以取名天下不知太尉之所立如是宗元嘗出入岐

周邠縻間

童曰縻后稷所封。縻音邠。今本作縻音便。留切水名。

過真定北上馬

嶺歷亭鄣堡戍

張曰說文云鄣紀邑堡。障也。鄣音章。堡音保。

竊好問老校退

卒能言其事太尉為人姁姁

凶子切又况羽切

常低首拱手行

步

行一作促

言氣卑弱未嘗以色待物人視之儒者也遇

不可必達其志決非偶然者會州刺史崔公來

永州刺史

言

信行直備得太尉遺事覆校無疑或恐尚逸墜未集太史氏敢以狀私於執事謹狀

故銀青光祿大夫右散騎常侍輕車都尉宜城縣

開國伯柳公行狀

曾祖善才皇荆王侍讀

祖尚素皇潤州曲阿縣令

父慶休皇渤海郡渤海縣丞贈蔡州刺史工部尚書

汝州梁縣梁城鄉思義里柳渾年七十四狀

公字惟深

韓曰又字夷曠

其先河東人晉永嘉年

童曰永嘉懷帝年號

有

濟南太守卓者去其土代仕江左

孫曰西晉末柳純位平陽太守純子卓避

永嘉之亂自本郡遷於襄陽官至汝南太守今云濟南恐誤代字一本作往

公實後之柳氏

自黃帝后稷降於周魯以字命族因地受氏載在左氏

內外傳

孫曰魯孝公子伯展展孫司空無駭無駭生禽字季為魯士師食邑柳下隘曰惠因以柳為氏

齊楊楚滅柳氏入楚楚為秦滅乃還晉之
解縣後秦置河東郡故為河東解縣人
及太史公書

自卓至公十有一代

孫曰卓子怡西河太守怡子憑焉
翊太守憑子叔宗字雙麟宋建威

參軍叔宗子世隆字彥緒南齊尚書令世隆子悛字文
通梁左僕射曲江穆悛悛子映映子爽爽子善才善才
子尚素尚素子慶休慶休
子渾自卓至渾十一世也為士林盛族著於南朝歷代

史

孫曰柳元景弟叔宗
已下南史皆有傳

及柳氏家牒惟公質貌魁傑度

量宏大弘和博達而遇節必立恆曠放弛而應機能斷

音

其居室奉養撫字之誠儀於宗戚而內行著焉其莅

政柔仁端直之德洽於府寺而外美彰焉凡為學略章

句之煩亂採摭奧旨

重曰說文云摭拾也。摭之石切。

以知道為宗凡

為文去藻飾之華靡汪洋自肆以適已為用自始學至

於大成耽嗜文籍

耽都舍切與耽同

注意鑽礪

重曰說文云鑽所以穿也。鑽

祖官切

倦不知遊息戚不待搜楚

搜古雅切

儒言雅旨夙有聞

知年十餘歲有稱神巫來告曰若相法當天且賤幸而

為釋可以緩而死耳位祿非若事也公諸父素加撫愛

尤所信異遽命奪去其業從巫言也

一云從巫之言也

公不可

且曰夫性命之理聖人所罕言縉紳者所不道巫何為

而能盡之也且令從之而生去聖人之教而為異術不若速死之愈也於是為學甚篤其在童幼固不惑於怪

譎矣

張曰譎說文權詐也○譎古穴切

開元中舉汝州進士計偕百數

公為之冠

音貫後同

禮部侍郎韋陟異而目之一舉上第

孫曰

天寶元年禮部侍郎韋陟知貢舉柳載中第十四人載後改名渾

調授宋州單父尉操

斷舉措通乎細大潔廉檢守形於造次加雲騎尉秩滿

江南西道連帥聞其名辟至公府

孫曰至德中為江西採訪皇甫洸判官

以信州都邑人罹凶害

罹遭也○罹鄰知切

靡弊殘耗假守永豐

令公於是用重典以威姦暴

童曰周禮刑亂國用重典。重直龍切。

鋪大

和以惠鰥嫠

鰥古頑切下陵之切

毆除物害

毆音區

消去人隱吏無

招權乾沒之患政無犯令危葺之蠹

張曰危葺車院。尤音蒙葺音如客。

切蠹音姑

宰制聽斷漸於訟息耕夫復於封疆商旅交於關

市既庶而富廉恥興焉既富而教庠塾列焉

童曰塾學也禮記家

有塾塾音執

里閭大變克有能稱遂表為洪州豐城令到職

如永豐之政而仁厚加焉授衢州司馬夫器宏者恥效

以圭撮之任

撮舍括切

足逸者難局以尋常之地公遂滅跡

藏用遁隱於武寧山羣公交書諸侯走幣皆謝絕不就
方將究賢人之業窮君子之儒味道腴以代膏粱舍德
輝而輕紱冕遺榮養素恬淡如也朝右籍甚有聲徵拜
御史

孫曰拜監
祭御史

公曰君命也安敢逃乎即日裝束上道

公嘗好大體不為細家之迫速

一作束

非其志也以疾辭

授右補闕不隱忠以固位不形直以奸名

奸音干他本
作奸非也

除殿中侍御史賜緋魚袋赴江西與租庸使議復權鐵

權音角

及常平倉便宜制置得以專任

一作征

和鈞關石之

緒出納平準之宜國利人逸得其要道

孫曰明年自左補闕除殿中侍

御史知江西
祖庸院事

遷侍御史充江南西路都團練判官

孫曰
大歷

三年以刑部侍郎親少遊為江西
觀察使少遊表渾為其府判官

時屬支郡不知連帥

之職公請出巡盡征之地大詰姦謬所至風動其有非

常之政裕於人者必舉其課績歸之使府又以文采殷

勤歌詠之俾其風謠訟聲

謠音
搖

聞於他部達於京師而

後已改祠部員外郎轉司勳郎中餘如故就拜袁州刺

史

孫曰十二年
拜袁州刺史

公於是酌古良牧之政宜於今者宗而

奉之考諸理國之說稱於人者承而守之均利器用以
致其富昭明物則以教之禮示優裕之德以周惠利緩
九賦推廣厚之心以固和慈保萬人明其制量臨長羣
吏示之法禁考中備敗無不得其極理行高第朝廷休

之召拜諫議大夫

孫白十四年五月以中書舍人崔祐甫平章事崔薦渾為諫議大夫

浙江東西道黜陟使

孫曰建中元年二月命黜陟使十一人分巡天下

將舉其

能政端於外邦也公則修虞書之考績舉漢代之課第
處事詳諦無依違故縱之敗奉法端審無隱忌峭刻之

文

峭七肖切
利音彪

時分部所繫於公尤重凌江並海

童曰並
近也○

並蒲浪切列子並歌
並進又音並上聲

竟吳越之域皆所莅焉復命稱職

加朝散大夫又拜左庶子集賢殿學士奉翊儲后修其

宮政統理文籍紀於秘府拜尚書右丞直而多容簡而

有制去苛削之文

苛音何

而吏皆率法務弘大之道而政

不失中加銀青光祿大夫遷右散騎常侍涇卒之亂公

以變起卒遽盡室奔匿於終南山賊徒訪公所在追以

相印既及公而問焉公變名氏以紿之

張曰江南呼賊
曰紿○紿音台

捐家屬以委之賊遂執公愛子榜箠詢問

張曰榜音彭所以輔弓弩

又去聲四十三映比孟切避也皆也張救傳載貢高榜皆數十又音榜木片也又音榜進船

折其右

肱而公不之顧即步入窮谷拔草逕踰秦嶺由褒駱

朝於行宮

孫曰四年十月朱泚反渾微服徒行適終南山谷賊素聞其名以宰相召執其子榜皆之

搜索所在渾步至奉天扈從至涼州改左散騎常侍

上嘉其誠節不時召見公頻

首流涕累陳計畫賊平策勲賜輕車都尉封宜城縣開

國伯拜尚書兵部侍郎

孫曰貞元二年拜兵部侍郎封宜城縣伯

初公名載

字元興至是奏請改命以滌偽署之汙

孫曰賊平渾奉言臣向名為賊

汚且載於文從戈非
僂武所宜請改名渾

是歲盜據淮潁

潁曰淮西節度
使具少誠反

方

議討戮宰相以大理評事李元平者有名以為才堪擢

寇拜為汝州羣臣望聲徇利者皆曰德舉公獨慷慨言

於朝曰

慷慨下
灑切

是夫喋喋

喋喋多言也
喋音牒

銜玉而賈石

者也

韓曰說文銜行且賈也賈賣
舊也。銜扁縣切賈音古

王衍誤天下殷浩敗

中軍華而不實異代同德往見且獲何寇之擗時人不

知信也未幾盜襲汝州以元平歸

孫曰四年正月李希
烈陷汝州執別駕李

元平○
襲音習

凡百莫不嗟服焉俄以本官同中書門下平章

事

孫曰貞元三年三月以本官同平章事

登翊聖皇

翊音翼

匡弼大政造膝

盡規諫之志當事無矜大之容援下情於上以酌天心

順嘉謨於外用彰君德故績用茂著而人罕知之然其

章布於外數聞在下者十一二焉貞元初上以旬服長

人天下理本於是親擇郎吏分宰於京師外部

孫曰帝嘗親擇

史宰畿邑而政有狀召宰相語皆賀帝得人

未幾而人謠大和擊壤之頌歸

於帝力上召丞相告之左僕射平章事張延賞并蹈稱

慶公俯伏不賀且曰旬服之政固宜慎重然則此屑屑

者特京兆尹之職耳陛下當擇臣輩以輔聖德臣當選京兆以承大化京兆當求令長以親細事夫然後宜捨此而致理可謂愛人矣然非王政之大倫也不知所賀

上深然之漢惠悅曹參之言絳侯慙曲逆之對

補注漢書上問

右丞相勃天下一歲決獄錢穀勃不能對問左丞相平平曰有主者上曰君所主何事也平謝曰宰相者上佐天子理陰陽順四時下逆萬物之宜外鎮撫四夷諸侯內親附百姓使卿大夫各得任其職也上稱善勃大慙考之前志我無負焉既而西戎乘間入邑詐以請盟侍中北平王燧建議許之自公卿以下莫有異慮公獨陳

謀獻畫言戎之詐固不可許竟留中不下而前議遂行

於是策命上將莅盟諸戎戎果縱兵逼好大毆掠而去

上召對前殿嘉歡者久之

孫曰五月以侍中渾瑊為吐蕃清水會盟使兵部侍郎崔

漢衡副之間五月辛未瑊與吐蕃南結贊同盟於平涼是日上視朝渾瑊曰戎狄豺狼也非盟誓可結今日之事

臣竊憂之瑊果為蕃兵所殺狼狽而獲免漢衡以下將吏陷沒者六十餘人上使謂渾瑊曰卿當生乃能料敵如

此其害耶時諫臣有廷爭陷於訕上者

訕音病

上未之善也公

從容候間陳古以諷所以示寬裕之德招譴正之言詞旨切直意氣勤懇動合聖謨卒見納用無何工人有以

理乘輿服器得罪於左右有司以盜易御物請論如法

制初可之公不奉詔因抗疏曰跡其罪狀未甚指明方

春殺人懼傷和氣上覽之大悅即原其罪

孫曰玉工為帝作玉帶誤

數一鈔工不以聞私市他玉足之及獻帝識不類撻之
工人伏罪帝怒其欺招京兆府論死譚曰陛下殺人則
已若委有司須詳獻乃可於法誤傷
乘輿器服杖六十指論如律詔從之刑官慎恤之事正

於邦典聖君含育之德彰於天下論者難之時上相與

光祿卿裴腆不協候公休沐以御酒或闕陰請貶之制

命既行公堅執不下請訊支計之吏校其供入之實原

本定罪窮理辨刑而腆竟獲宥克復本職白志貞有羈

勒之勤

說文勒纏也
○勒音的

獻利屢中

利一作謀

上嘉其功效特寵

異之方議大用公以為胥徒雜類

胥俗作音

出自微賤負乘

致寇盜之招也累疏以聞而止

孫曰三年以果州刺史
白志貞為浙西觀察使

渾泰志貞與小吏殷嘉其才不當起劇職臣不敢奉詔
會渾移疾出即日詔付外施行疾間因乞骸骨不許

公竭誠盡忠憂勞庶務有耄忘之疾

耄音習

懇迫陳諫除

右散騎常侍罷知政事

孫曰八月以右散
騎常侍罷知政事

貞元五年二

月五日薨於昌化里

孫曰卒年
五十七

終於散地故褒贈不及

惟公致君之志孜孜焉不有怠也立誠之節侃侃焉無

所屈也

侃侃說文云剛直也侃可早切

故處心積慮博塞之道表於朝

端弼違釋回撲忠之誠沃於帝念內有敢言之勇進當

不諱之明用能直道自達而無罪悔者也公累更重任

祿秩之厚布於宗姻無一塵之土以處其子孫無一畝

之宮以聚其族屬待祿而飽傭室而安終身坦蕩而細

故不入其達知足落落如此夫其子恭父慈

或添仁義

善行

也拊循制理能政也直廉潔靜儉德也拒疑獨斷明識

欽定四庫全書

卷八

也冒危以扞牧圉大節也犯顏以陳訐謨至忠也有一
於此尚宜旌褒矧茲備體焉可以已固當飾以榮號章
示後來而故吏遺孤淪寓遐壤久稽彝典罪在宗族敢
用評隲舊行

重曰此文云陽定也升也○陽音質

敷贊遺風若乃揚孔氏

褒貶之文舉周公懲勸之法徵於誅謚則有司存謹狀
謚議貞元十五年正月日故銀青光祿大夫右

散騎常侍輕車都尉宜城縣開國伯柳公從孫

將仕郎守集賢殿正字宗元謹上

韓曰謚法大行受大名小

行受小名以狀考之今
所議擬其大名者哉

尚書考功伏以魯史褒貶虞書黜除彰善瘴惡王教之
端自周公以來謚法未改謹案柳公累歷清貫茂著名
節貞亮存誠潔廉中禮納忠為爭臣之表出守乃牧人
之良刺舉必聞澄清可紀冒危而大節不奪更名而純
誠克彰遂踐鼎司以匡王國奉上盡陪輔之志退迹有
推讓之高圭璋聞望洽於人聽所以聳厲在位闕于政教
聲聞王者者其事實繁褒善勸能固將不廢宗元既當

族屬且又通家傳信克備其遺芳考行敢徵於故事謹具署其懿績布以慈詞定謚之制請如律令謹狀下太常博士裴堪議宜謚曰貞奉敕依

唐故祕書少監陳公行狀

五代祖某陳宜都王

曾祖某皇會稽郡司馬

祖某皇晉陵郡司功叅軍

父某皇右補闕翰林學士贈祕書少監

某州某縣某鄉某里陳京年若干狀

公姓陳氏自潁川來隸京兆萬年胄貴里諱京既冠字

曰慶復舉進士

孫曰大應元年京中進士第

為太子正字咸陽尉太

常博士左補闕尚書膳部考功員外郎司封郎中給事

中祕書少監自考功以來凡四命為某賢學士德宗登

遐公病痼與曳就位備哀敬之節由是滋甚遂以所居

官致仕貞元二十一年四月二十五日終於安邑里妻

黨之室

孫曰京妻常家兄女

無子

孫曰京無子以從子獲為嗣

伯兄前監察御

史璠仲兄前大理評事長

孫曰常娶柳氏公之妹

以公文行之大

者告於嘗吏于公者使辭而陳之大厯中公始來京師

中書常舍人衮楊舍人炎讀其文驚以相視曰子雲之

徒也常以兄之子妻公由是名聞遊太原太原尹喜曰

重客至矣投館致餼厚以泉布獻焉

韓曰泉布二錢名漢食貨志王莽即

真天風元年罷大小錢改作貨布其文左曰貨右曰布重二十五銖直貨錢二十五貨泉重五銖文右曰貨左

曰泉枚直一二品並行

公曰非是為也某嘗為北都賦未就願即

而就焉其宮室城郭之大河山之富關閉之壯與其土

疆之所出風俗之所安王業之所興苟得聞而觀之足

矣若曰受大利是以利來蓋異前志也吾不能取辭遂

逆大河踰北山仿佯而歸

仿佯徒倚也。仿音房佯音陽

賦成果傳天

下為咸陽尉留府廷主文章決大事得其道為博士舉

疵禮

重曰說文疵病也。疵才支反

修墜典合於大中者眾焉涇人作

難公徒行以出奔問官守

源曰建中四年十月涇原節度使姚令言反犯京師戊申

德宗幸奉天

段忠烈之死

源曰廣成朱泚殺司農卿段秀實

上議罷朝七日

宰相曰不可方居行宮無以安天下公進曰是非宰相

之言天子褒大節哀大臣天下所以安也況其特異者乎上用之其勤勞侍從謀議可否時之所賴者大巡狩告至

告一作所

上行罪已之道焉曰凡我執事之臣無所任

罪予惟不謹於理而有是也將復前之為相者公曰天子嘉惠羣臣而引慝焉德至厚也而為相者復是無以大警於後且示天下率其黨爭之上變於色在列者咸恟而退

恟音凶

公大呼曰趙需等勿退遂進而盡其辭焉

不果復

源曰德宗還京以京為左補闕貞元元年正月救天下故宰相新州司馬盧杞量移吉州長史

永興用為饒州刺史制出京與趙需裴信宇文珍盧景亮張薦為兵勅杞輔政要位大臣踰時月不得對百官凜凜常若共在顏今復用之則姦賊皆嚙掌而起上大怒諫者稍引却京顧曰趙需等勿退此國大事當以死爭之上意稍解壬戌以杞為澧州司馬上迎訪太后間數歲外頗怠其禮公

密疏發之天子感悅焉

孫曰帝之初立迎訪沈太后不得意追怠京密白第遣使物色

以求帝大悟終代不敢置

初禮部試士有與親戚者則附於考功莫

不陰授其旨意而為進退者

一無者字

及公則否卓然有有

司之道不可犯也太廟闕東向之禮且久矣公自為博士補闕尚書郎給事中凡二十年勤以為請殷祭之不

隆緊公之忠懇是賴故有赤紱銀魚之報焉

孫曰京自博士獻議

彌二十年至貞元十九年益夏禘祭方正太祖東向之位已下列叙昭穆其獻祖懿祖附於德明興聖之廟每禘祫年就本室饗之諸儒無復言帝賜京緋衣銀魚袋

昭陵山峻而高寢宮在其上

內官懲其上下之勤輓汲之艱也

童曰說文云輓引之也○輓或通切輓

同又音萬

謁於上請更之上下其議宰相承而諷之召官屬

使如其請公曰斯太宗之志也其餘足以為法其嚴足

以有奉吾敢顧其私容而替之者也奏議不可上又下

其議凡是公者六七人其餘皆曰更之便上獨斷焉曰

京議得矣從之

孫曰貞元十四年昭陵寢殿為火所焚四月以宰相崔損為修奉陵使獻昭乾

定泰五陵各造屋三百八十間橋元建三陵據調補造昭陵占山上宦侍憚艱汲乏請更其所宰相不能抗京曰此太宗之志其檢足以為後世法不可改議者多附宦人帝曰京議善卒不從 在集賢奏祕

書官六員隸殿內而判校益理納資為胥而仕者罷之求遺書凡增繕者乃作藝文新志制為之名曰貞元御府羣書新錄始御府有食本錢月權其贏以為膳有餘則學士與校理官頒分之學士常受三倍由公而殺其二書史之始至入禮幣錢六十緡亦皆分焉公悉致之

官以理府署作書閣廣羣官之堂不取於將作少府而用大足居門下簡武官議典禮上以為能益器之與信

臣議且致相位遇公有惑疾使視之疾甚不能知人遂

不用

孫曰帝器京謂有宰相才欲用之會病狂易自刺弗殊遂不用猶自考功員外再遷給事中

用鄭

吏部高太常為相

孫曰十九年十二月以太常卿高郵吏部侍郎鄭珣珣同平章事

而

以祕書命公

孫曰帝疑京為忌者中傷中人問責相繼俊對延英帝諭遣京沮駭走出罷為祕書

少所以示優之也公有文章若干卷深茂古老慕司馬

相如揚雄之辭而其古訓多尚書爾雅之說紀事朴

實不苟悅於人世得以傳其藁其學自聖人之書以至
百家諸子之言推黃炎之事涉歷代洎國朝之故實鉤
引貫穿舉大包小若太倉之蓄崇山之載浩浩乎不可
知也豈揚子所謂仲尼駕說者耶夫忠烈之褒也相府
之有誠太廟之東向也昭陵之不更其故也官守之不
可奪也立言之不可誣也利之不苟就也害之不苟去

也其忠類朱雲

韓曰漢書朱雲請於成帝曰願得上方
斬馬劍新倭臣一人頭上大志命御史

將雲下雲攀
殿檻檻折

其孝類穎考叔

韓曰左傳隱三年鄭伯與
姜氏於城穎既而悔之穎

欽定四庫全書

卷八

考叔聞之有獻於公公賜之食食舍肉請以遺母公曰
爾有母遺緊我獨無考叔曰君何患焉若闢地及泉醢

而相見其誰曰不然公從之遂為廉類公儀休韓曰史
記公儀

母乎如初君子曰穎考叔純孝也休者魯博士也以高第為魯相奉法循理無所變更百
官自正使食祿者不得與下民爭利受大者不得取小

其他辭魚鱗機事皆類此而又文以文之學以輔之而天子以為之

知既得其道又得其時而不為公卿者病也故議者咸

惜其始而哀其終焉公之喪凡五十四日而夫人又沒

毀也夫人之父曰偕司農卿祖曰某贈太子太保宗元

故集賢吏也補註公前為
集賢殿正字得公之遺事於其家書而授

公之友以誌公之墓謹狀永貞元年八月五日尚書禮
部員外郎柳宗元狀

五百家註柳先生集卷八

欽定四庫全書

五百家註柳先生集卷九

墓誌

唐丞相太尉房公德銘

房瑄

李華

玄宗季年逆將持兵天錫房公言正其傾軫兇害直

事乃不行虜起幽陵連覆二京

孫曰天寶十四年十一月范陽節度使安祿

山反十二月陷東京

帝慈蒸人避狄西蜀

孫曰十五載六月玄宗狩蜀祿山陷京師

爰命監撫理兵北朔

孫曰辛巳皇太子至平涼數月朔方留後度支副使杜鴻漸六

城水陸運使魏少遊節度判官崔漪度支判官盧簡金闕內鹽池判官李涵河西行軍司馬裴冕迎太子

治兵于朔方登賢為輔讓子以績公賁再書亦捧瑞玉孫曰

七月玄宗至普安瑄以憲部侍郎求謁見即日以瑄同平章事是日太子即位于靈武八月己亥玄宗命

瑄奉傳國寶玉冊詣靈武傳位聖人神人天地咸若子孝臣忠元臣

踴躍命師中軍謀職昇浞孫曰十月加瑄持節招討西京兼防禦蒲潼兩關兵

馬節度等使辛丑瑄以中軍北軍及安祿山之衆戰于陳濤斜敗績人咸有言志屈道

行公曰不可屈則佞生柄不在公象昏瞠明退師儲

宮出守函谷孫曰二載五月罷入為尚書正色諤諤

孫曰上元元年四月
以瑄為禮部尚書

又刺汾澮遼臨彭濮

孫曰瑄尋出為晉州

刺史八月改

為漢州刺史何負而東何負而西公受挫抑邦人悽

悽帝懷明德俾不我迷徵拜秋官僉曰休哉

孫曰寶應二年

薨殂閭中

孫曰廣德元年八月四日瑄卒于閭州僧舍年六十七

國瘁人哀

孫曰

詩人之云亡邦國殄瘁

喬嶽隕躋輔星昏霾天子涕涕追崇上

台

孫曰追贈太尉

巖巖岱宗瞻其峻極赫赫房公尊其盛德

昔撫宜春列郡是式

孫曰天寶五載殺括蒼郡太守韋堅瑄坐與堅善貶宜春太守

建銘江濱以慰南國

唐相國房公德銘之陰

德銘見上

天子之三公稱公王者之後稱公

補注公羊傳文

諸侯之入為

王卿士亦曰公有土封其臣稱之曰公尊其道而師之

稱曰公楚之僭凡為縣者皆曰公

作為一作與

古之人通謂

年之長老曰公故言三公若周公召公

補注公羊傳三公者何天子之

相也天子之相則何以三自陝而東周公主之自陝而西召公主之一相處乎內

王者之後若

宋公

韓曰史記微子開者商帝乙之首子而紂之庶兄也周公既承武王命誅武庚殺管叔故蔡叔乃命

微子開代商後作微子之命以申之國于宋微子開卒立其弟衍是為微仲微仲卒宋公楷立為卿士

若衛武公虢文公鄭桓公

補注詩淇澳美衛武公能入相于周縉衣美鄭武公父子

並為司徒鄭武公父即桓公也左氏宮之奇諫曰虢仲虢叔王季之穆也為文王卿士勲在王室功藏盟府

其臣稱之則列國皆然師之尊若太公楚之為縣者若

葉公白公

韓曰史記楚世家惠王二年子西召故平王太子建之子勝于吳以為巢大夫號曰白公

服虔曰白邑名楚邑大夫皆稱公葉公公子高也葉亦楚邑名○葉於涉切

年之長老若毛

公申公涪公

孫曰漢儒林傳毛公趙人申公魯人又云于魯則申培公培字音陪今此作涪公未

詳涪音浮

而大臣罕能以姓配公者雖近有之然不能著也

唐之大臣以姓配公最著者曰房公房公相玄宗有勞

于蜀人咸服其節相肅宗作訓于岐

肅曰至德元載九月肅宗次順化郡

瑄自蜀至為相如故遂同至鳳翔鳳翔即岐山也

人咸尊其道惟正直慈愛以

成於德用是進退所居而事理辯所去而人哀號理衷

人衷人不勝其懷

二衷字它本並作速

為文士趙郡李華銘公之

德亂故不克立今刺史太原王涯

韓曰涯以左拾遺為翰林學士進起居舍

人元和初其甥皇甫湜以賢良對策忤宰相涯坐避嫌罷學士再貶虢州司馬徙為袁州刺史嘉公之

道猶在乎人人不忘公之道為之刻石且曰州之南有

亭曰需宴亭公之為也人之思也乃增飾棟宇即而立

焉州人大悅咸會隕涕言曰昔公以周召之德微子之
仁有土封以為卿士道為三公德為國師年為元老嘗
為縣縣懷其化至于州州濡其澤

童曰說文濡濡
濕也○濡音儒

凡我

子孫罔不載慕盛德之詞文而不刻

一作列

更刺史數十

莫克興起乃卒歸於王公王公嘗以機密匡天子於禁

中遵公之道

遵一作承

刺於我邦承公之理

承字一本作由又一作序

又

能尊公之德起遺文以昭前烈則其入為卿士三公也
孰曰不宜吾懼其去我也遽願書于銘之陰用永表于

邦之良政

國子司業陽城遺愛碣

韓曰陽城字亢宗定州北平人後徙陝州夏縣新史列之卓行傳公為集賢殿正字作此碣集又有與大學諸生書論城事亦甚悉

四年五月皇帝以銀印赤紱即隱所起陽公為諫議大

大

諫曰貞元四年六月以陝虢觀察使李泌平章事泌薦城可用為諫議大夫賜緋衣銀魚袋

後七

年廷諍懇至累日不解帝尤嘉異遷為國子司業

孫曰十一

年四月裴延齡誣宰相陸贄等贄坐貶忠州別駕帝怒甚無敢言者城即率拾遺王仲舒等數人守延英門上

疏論延齡姦佞等無罪德宗怒將加城等罪良久乃解七月下遷城國子司業

旌直優賢道

光師儒又四年九月己巳出拜道州刺史

孫曰有太學生薛約者嘗

學于城十四年以言事得罪謫連州吏捕逆得之城家城坐吏于門與約飲決別涕泣送之郊外帝聞之以爲黨罪人九月出城爲道州刺史韓曰按城貶在十年逆數之則上所云四年者當作三年字誤太學生

魯郡李儻廬江何蕃等百六十人

孫曰或云二百七十人

投業奔

走稽首闕下叫閭籲天

籲呼也張曰書無辜籲天。籲音裕

願乞復舊朝

廷重更其事如己巳詔翌日會徒北向如初行至延喜

門公使追奪其章遮道願罷遂不果獻生徒嗷嗷

音相焚

眇徘徊

童曰眇說文云邪視也音汚

昔公之來仁風扇揚暴傲革面

微音

柔孺有立

轉乳充切一作孺

聽聞嘉言樂甚鐘鼓瞻仰德

宇高逾嵩岱

上音松下音代

及公當職施政示人準程良士勇

善偽夫去飾墮者益勤誕者益恭沈醢醢酒

張曰說文醢酒醬也

醢多也醢于句切醢它典切醢亦作醢

斥逐郊遂連親三歲罷退鄉黨令

未及下乞歸就養者二十餘人

童曰城為司業引諸生告之曰凡學所以學為

忠與孝也諸生寧有久不省其親者乎明日謁城以歸養者二十有餘人有三年不歸侍者斥之

禮順

克彰孝悌以興則又講貫經籍俾達與義簡習孝秀俾

極儒業

童曰城又簡秀才德行升堂上洗醢不率冠屨教者皆罷躬講經籍生徒斤斤皆有法度

裳衣由公而嚴進退揖讓由公而儀公征甚遐

孫曰謂城為道

州其行甚遠也

吾黨誰師遂相與咨度署吏布告諸儒願立貞

珉侔高狀明乃訪于學古之士紀公名字垂憲于後公

名城字亢宗家于北平隱於條山惟公端粹冲和高嶷

懿醇

嶷魚力切又魚其切

道德仁明孝愛友悌

韓曰城初隱中條山與弟堦域常易

衣出年長不肯娶以為既娶則問外姓雖共處而益疎

薰襲里閭布聞天下守節

貞固患難不能遷其心怡性坦厚榮位不足動其神為

司諫義震于周行為司業愛加于生徒宜乎立石俾後
是憲其辭曰

惟茲陽公履道葆醇爰初隱聲履蕢基仁

孫曰孔子曰譬如平地雖

疾一簣進吾往也簣盛土之器覆乎救切蕢音匪

德充而形乃作諫臣抗志勵

義直道是陳帝求師儒貳我成均開朗蒙滯宣明德教

大和潛布玄機密昭羣生間禮後學知孝進退作則動

言是倣匪公之軌人用奚蹈羸厲貪凌

羸倉胡切

待公順之

欺偽譎詐待公信之少年申申咸適其宜榘模廢弛尊

嚴而威

張曰禮記覆機二物收其威也又曰師嚴然後道尊

公褒其良俾升于堂

癯者既肥

孫曰韓非子子夏始癯而後肥有問之者子夏曰吾戰勝人問曰何為戰勝子夏曰吾入

見夫子之義則榮之出見富貴又榮之二者戰于胸臆故癯今見夫子之義勝故肥也癯音衡榮如衮

衣公棄不用懲咎內訟既訟于內猶公之誨匪仁孰親

匪德孰尊今公于征孰表儒門生徒上言稽首帝閭謂

天蓋高曾莫我聞青衿涕濡填街盈衢速送于南望慕

踟躕

上音馳下音厨

立石書德用揚懿則嗚呼斯文遺愛罔極

唐故給事中皇太子侍讀陸文通先生墓表

韓曰陸先生名質本名淳字元冲其後避憲宗諱改賜名質公集有答元饒州論春秋書云宗元出邵州不克卒業于陸先生之門書末又謂始至是州作陸文通先生墓表今以奉獻與宣英讀之此表作于邵州明矣

孔子作春秋千五百年以名為傳者五家

孫曰漢書藝文志春秋左

氏傳三十卷公羊傳穀梁傳鄭氏傳史氏傳各一十卷鄭氏史氏有錄無書○史音頗

今用其三

焉

左氏公羊穀梁三傳

秉觚牘

上音孤下音讀

焦思慮以為論註疏說者

百千人矣攻訐很怒

韓曰說文云訐相斥罪相告獨也很不聽從一曰鬚也○訐居謁切

很下懇切

以辭氣相擊排冒沒者其為書處則充棟宇出則

汗牛馬或合而隱或乖而顯後之學者窮老盡氣左視

右顧

視字一本作明

莫得而本則專其所學以訾其所異

訾說文毀

也音紫又即支切

黨枯竹護朽骨以至於父子傷夷

孫曰漢宣帝時詔劉

向受教梁春秋及其子歆校秘書見左氏傳大奸之數以難向向不能非間也然猶自持其殺梁義君臣

詆悖者前世多有之甚矣聖人之難知也有吳郡人陸

先生質與其師友天水啖助

孫曰助字叔佐趙州人後徙關中天寶末為台州臨

海縣主簿上元二年集三傳釋春秋至大曆五年而畢號集傳○啖塗元切

洎趙匡

孫曰匡字伯淳

河東人歷淮南節度判官洋州刺史能知聖人之旨故春秋之言及是而

光明使庸人小童皆可積學以入聖人之道傳聖人之

教是其德宜不多大矣哉先生字某

見題注

既讀書得制

作之本而獲其師友于是合古今散同異聯之以言累

之以文蓋講道者二十年書而志之者又十餘年其事

大備為春秋集注十篇辨疑七篇微指二篇明章大中

發露公器其道以聖人為主以堯舜為的苞羅旁魄

旁魄

混同孫曰封禪書云旁魄四塞魄字唯此音步角切唐韻除匹陌切外別音託注史記落託貧無家集韻又作

薄音白各切注云聲也歐陽尚書火流于王屋為焉其聲魄韻中音義以此不通今依封禪書音步角切亦作

旁 碑 膠 轄 下 上

膠轄驅馳也張曰膠或作膠亦音膠
轄音葛說文長遠貌一曰卑馬喧雜 而 不

出於正其法以文武為首以周公為翼揖讓升降好惡

喜怒而不過乎物

童曰禮記仁人不過乎物孝子不過乎物

既成以受世之

聰明之士使陳而明之故其書出焉而先生為巨儒用

是為天子爭臣

童曰天子有爭臣七人孫曰質佐淮南節度陳少遊幕府少遊薦之朝授左拾

遺 尚書郎國子博士給事中皇太子侍讀

孫曰貞元二十一年四月

自給事中為太子侍讀

皆得其道刺二州守人知仁

孫曰質歷台信二州刺史

永貞年

孫曰是歲改為永貞元年

侍東宮言其所學為古君臣圖以

獻而道達乎上是歲嗣天子踐阼而理

孫曰謂憲宗即位也

尊優

師儒先生以疾聞臨問加禮某月日終于京師

孫曰九月辛巳

卒某月日塋于某郡某里嗚呼先生道之存也以書不

及施于政道之行也以言不及覩其理門人世儒是以

增慟將塋以先生為能文聖人之書通于後世遂相與

謚曰文通先生後若干祀有學其書者過其墓哀其道

之所由乃作石以表碣

一無碣字

唐故兵部郎中楊君墓碣

孫曰楊君凝也新史凝傳一如公碣惟不載其以校書郎為書記耳

貞元十九年正月某日守尚書兵部郎中楊君卒某月

日塋于奉先縣某原其子姪洎家老

孫曰家老謂其族之老也某立

石以表于墓塋令曰

孫曰塋今唐時喪塋之令

凡五品以上為碑龜趺

踳首

童曰趺足也足為龜形首為螭形也說文云螭無角如龍而黃○螭音夫螭丑知切

降五品

為碣

補注說文云碣特立之石也

方趺圓首

圓一作圭說文圭瑞玉上圓下方

其高

四尺按郎中品第五以其秩不克偕降而從碣之制其

世系則紀于大墓

孫曰凝號州弘農人遠祖趙恭公鈞生儉西魏侍中儉生文偉隋安溫

二州刺史文偉生榮榮生恪恪生元政司勳郎中君諱元政生志玄殿中侍御史志玄生成名成名生凝

凝字懋功與李弟凌生同日

孫曰凌字恭履

不周月而孤伯兄

憑

孫曰憑字虛受一字嗣仁

翦髮為童家居于吳太夫夫母道尊愛

教飭謹備君之昆弟孝敬出於其性禮範奉于其舊克

有成德輯其休光

童曰輯斂也書曰輯五瑞。輯音集

東溥海岱南極衡

巫文學者皆知誦其詞而以為模準進修者率用歌其

行而有所矜式君既舉進士

韓曰大歷三年凝舉進士第

以校書郎

為書記

孫曰興元元年正月以樊澤為山南東道節度使凝自秘書省校書郎為其府掌書記

毗

贊元侯于漢之陰式徙荊州

孫曰貞元三年閏五月澤徙荊南節度使凝隨府遷

由協律郎三轉御史元戎出師

童曰元戎元帥也詩元戎十乘以先啟行用

顯厥謀遂入王庭為起居郎書事不回著垂國典又為

尚書司封員外郎革正封邑申明嫡媵

送女從嫁曰媵嫡丁歷切媵以

證切事連權右斥退勿憚直聲彰聞乃參選部

孫曰隋改吏部為選

部凝為吏部員外郎

以馭羣吏姦臣席勢

童曰席勢乘勢也

威福自己他

人求附離而不得者

離音麗

公則却之私以胥史求署一

皆罷遣曰吾不以三尺法為己利害居喪致哀

童曰當子曰喪

致于哀而止

內盡其志外盡其物而無有不得其心者服除

為右司郎中危言直已以致其誠然卒中于諛辭

孟子曰

諛辭知其所蔽。諛險諛也字音貢

不得朝請以檢校吏部郎中為宣武

軍節度判官

韓曰貞元十二年八月敕自左司郎中為檢校吏部郎中汴宋毫頓等州觀察判官

毫人缺守往蒞其政孤老撫安強猾戮死墾鑿峽園

張曰

峽山之石者由峽地

芟艾榛荒作爰田

孫曰僖十五年左傳作爰

○峽丘交切南音魯

田爰易也如周禮一易再易之田也

以贍人食濬決潢汙築復堤防為落

渠以定水禍理不半歲利垂千祀會朝復命次于汴郊

帥喪卒亂不可以入

孫曰十四年冬凝朝正京師十五年春運汴二月節度使董晉卒汴

軍亂凝走還京師

遂西走闕下璽書迎門勞徠甚備以疾居家

三年復登于朝

韓曰八年凝起家為兵部郎中

遐邇咏歌仍遇痼疾天

子致問逾三月不賜告

孫曰洪律有賜告賜告者病滿三月當免天子復賜其告使得

帶印綬將官屬歸家治其病

幸其愈而用之遂卒天下文行之士為

之悲哀嗚呼君有深淳之行有強毅之志內以和於親

戚正於族屬外以信於朋友施於政事故身之進退人

之喜戚繫焉凡其昆弟申明於朝制書咸曰孝友君子

謂楊氏其仁義之府君之文若干什皆可以傳於世

韓曰

擬有文二十卷權德輿為之序云

若某者以姻舊獲愛

韓曰公憑之壻見弘農楊氏志

不腆之文君實知之惟車馬幣玉無可以稱其德用君之所以知者酬焉

故御史周君碣

周子諒也孫曰按公此碣子諒當是柳州人

有唐貞臣汝南周氏諱某字某以諫死塋于某貞元十二年柳宗元立碣于其墓左在天寶年有以諂諛至相

位韓曰開元二十四年十一月以牛仙客為工部尚書同中書門下三品。諡曰琰切諛音腴賢臣

放退

韓曰二十四年十一月侍中裴耀卿為尚書左丞相中書今張九齡為尚書右丞相並罷知政事

公為御史抗言以白其事得死于墀下

童曰釋文墀塗地也丹漆地故

稱丹墀孫曰開元二十五年四月子諒以監察御史彈牛仙客非才引識書為證上怒甚親加詰問命左右撮于殿庭絕而復蘇仍杖之朝堂流瀼州至藍田而死此云天寶誤也補註晁氏讀書志曰溫公考異辨之矣

史臣書之公死而佞者始畏公議于庫古之不得其死者衆矣若公之死志匡王國氣震姦佞動獲其所斯蓋得其死者歟公之德之才洽于傳聞卒以不試而獨申

其節猶能奮百代之上以為世軌

一有者也二字

第令生於定

哀之間則孔子不曰未見剛者出于秦楚之後則漢祖不曰安得猛士而存不及興王之用沒不遭聖人之歎誠立志者之所悼也故為之銘銘曰

忠為美道是履諫而死佞者止史之志石以紀為臣軌

今

一無今字

唐故衡州刺史東平呂君誄

孫曰呂君名溫字化光一字和叔河中人年四
十卒周禮小史掌卿大夫之喪誄誄謂生時

行述
者也

維唐元和六年八月衡州刺史東平呂君卒爰用十月

二十四日藁塋于江陵之野

藁音果

嗚呼君有智勇孝仁

惟其能可用康天下惟其志可用經百世不克而死世

亦無由知焉君由道州

韓曰元和三年
貶道州刺史

以陟為衡州

韓曰

五年以政
聞改衡州

君之卒二州之人哭者逾月湖南人重社飲

酒是月上戊

韓曰六年八月
八日戊子社

不酒去樂會哭于神所而

歸余居永州在二州中間其哀聲交于北南舟船之下

上必呱呱然

童曰呱呱泣聲書啟
吟吟而泣。吟音孤

蓋嘗聞于古而覩于

今也

覩一作觀

君之志與能不施于生人知之者又不過十

人世徒讀君之文章歌君之理行不知二者之于君其
末也嗚呼君之文章宜端于百世今其存者非君之極
言也獨其詞耳君之理行宜極于天下今其聞者非君
之盡力也獨其跡耳萬不試而一出焉猶為當世甚重
若使幸得出其什二三則巍然為偉人與世無窮其可
涯也君所居官為第三品宜得謚于太常余懼州吏之

逸其辭也

州史一作刺史

私為之誅以志其行其辭曰

麟死魯郊

孫曰春秋哀十四年西狩獲麟

其靈不施濯濯夫子故潔其

儀

孫曰言如麟之儀出也

冠仁服義干櫓書詩

孫曰干櫓盾也禮記禮儀以為干櫓

此則曰以書詩為干櫓也○櫓音魯

忠貞繼佩智勇承綦

綦履飾音渠之切

跨騰

商周

騰音滕

堯舜是師道不勝禍天固余欺鬼神齊怒妖

孽咸疑

孽魚列反

何付之德而奪其時嗚呼哀哉命姓惟呂

勤唐以力輔寧萬邦受胙爾國

孫曰史記齊太公呂尚其先為四岳佐禹平水

土有功封于呂國語有曰胙四岳國命為侯伯賜姓曰姜氏曰有呂胙報也

維師元聖

孫曰詩維

欽定四庫全書

卷九

師尚父書

周以降德世征五侯

孫曰僖四年左氏管仲曰昔召康公命我先君

太公曰五侯九伯女實征之以夾輔周室

伊祖之則嗣濟厥武前書是式至

于化光爰耀其特春秋之元儒者咸惑君達其道卓焉

孔直聖人有心由我而得

韓曰溫從陸質治春秋

敷施變化動無

不克推理惟工舒文以翼宣于事業與古同極道不苟

用資仕乃揚進于禮司

韓曰試禮部也

奮藻含章決科聯中

孫曰

貞元十四年尚書左丞顧少連知禮部貢舉溫中第

休問用張署讎百氏

孫曰讎校也溫

為秘書省校書郎

錯綜逾光超都諫列

孫曰溫與王叔文輩執誼善再遭左拾遺

屢

皂其囊

補注宋夢麟漢制囊錄云漢官儀凡章奏皆啟封其言密事乃用皂囊東方朔言文帝集書囊

為殿帷翟繡又言文帝飾帷帳于皂囊者指此其後靈帝詔蔡邕指陳政要具對經術以皂囊封上遵前制也

帝殊爾能人服其智戎悔厥禍款邊求侍

童曰戎謂吐蕃款叩也求

侍者連子入侍

盛選邦良難乎始使君登御史贊命承事

孫曰二十

年六月以秘書監張薦為吐蕃弔祭使溫以工部郎中副之轉侍御史

風動海壖

童曰說文云壖

城下田也而宣切

皇威以致來總征賦甲茲郎吏

韓曰元和九年使還溫還

戶部員外郎

制用經邦時推重器諸臣之復

一作後非

周官匪易

孫曰周禮宰夫之職掌諸臣之復萬民之逆注云復報也反也反報于王漢課牋奏鮮云能

欽定四庫全書

卷九

備

韓曰後漢左雄奏請自今孝廉年不滿四十不得察舉皆先詣公府諸生試家法文史課成奏君自

他曹載出其技

其一作於

筆削自任羣儒革議正郎司刑

孫曰

溫自戶部員外郎遷司

邦憲為貳

貳副也韓曰竇羣為御史中丞請溫為知

雜故云邦

憲為貳也 紉邀伊肅

孫曰左傳紉邀王愚注云邀遠也

邪 諂諛具畏

一作邪 始具畏

遷理于道

韓曰三年宰相李吉甫以疾在第八召醫人陳登

診視夜宿于安宿里第溫問知之詰旦令吏捕登詰問之又勅奏吉甫交通術士憲宗異之召登而訊其事皆

虛十月再貶

溫道州刺史 民服休嘉恩疎若昵暢邇如遐實閑其閤

韓曰沒貳為東郡太守卧

間不出歲餘東海大治 而撫于家載其愉樂申以舞

哥賦無吏迫威不刑加浩然順風從今無譁絲蠶外邑

我繭盈車雜耕鄰邦我黍之華既字其畜亦藝其麻罄

鼓斯屏

童曰說文云罄大鼓也音舉屏必郢切

人喜則多始富中教

韓曰論語

子適衛冉有僕子曰庶矣哉冉有曰既庶矣又何加焉曰富之曰既富矣又何加焉曰教之

興良廢

邪考績既成王用興嗟陟于嶽濱

孫曰溫自道州遷衛州刺史嶽濱衛嶽之

濱言進其律

韓曰禮記王制諸侯有功德于民者加地進律

號呼南竭謳謠北

溢欺吏悍民先聲如失逋租匿役歸誠自出兼并既息

罷羸乃逸惟昔舉善盜奔于鄰

孫曰文十六年左氏晉士會為太傅晉國之盜

逃奔于秦今我興仁化為齊人惟昔富人或賑之粟

韓曰左傳文十

六年宋公子鮑禮于國人宋饑竭其粟而貸之又襄二十九年鄭饑而未及麥民病子皮以子展之命餽國人

粟戶一鍾今我厚生不竭而足邦思其弼人戴惟父善胡召

災仁胡惟咎俾民伊怙而君不壽矯矯貪凌乃康乃茂

嗚呼哀哉康不餘食藏無積帛

藏才浪切

內厚族姻外賙貧

客恒是懸壺

孫曰國語齊孝公謂魯人曰室如懸壺野無青草苗何恃而不懼

逮茲易簣

韓曰禮記曾子寢疾病曾元易簣注簣謂牀第易簣音亦責

僮無凶服塋非舊陌嗚

呼哀哉君昔與余講德討儒時中之與

孫曰禮記君子之中庸也君子

而時

希聖為徒志存致君笑詠唐虞揭茲日月

孫曰莊子昭昭

乎若揭日月而行

以耀羣愚疑生所怪怒起特殊齒舌噉噉

童曰

說文噉衆口愁也噉牛刀切

雷動風驅良辰不偶卒與禍俱直道莫

試嘉言罔敷佐王之器窮以郡符秩在三品宜謚王都
諸生羣吏尚擁良圖故友咨懷累行陳暮是旌是告永
永不渝嗚呼哀哉

唐故尚書戶部郎中魏府君墓誌

韓曰魏府君弘簡史無傳公謂居又同開故哀而銘之按公世系其先河東人父鎮後徙于吳

則府君亦
吳人矣

魏氏世墓於某縣某原唐興有聞士諱之過者

過他厯切又音

秋與子及孫咸舉進士嗣為儒家綿州涪城尉諱全瑤

瑤與寶同

魏州臨黃主簿諱欽慈太常主簿諱緄

音尚書膳

部員外郎兼江陵少尹諱萬成凡五代名高而不浮於

行才具而不得其祿江陵府君益之以閱達之量經緯

之謀故豪士賢大夫痛慕加厚生郎中府君諱弘簡字

曰裕之以文行知命既冠而德禮聞於鄉黨既仕而法

制立於官政溫柔發乎外見而人莫不親直方存乎內

久而人莫不敬由進士策賢良連居科首

孫曰建中元年弘簡中進

士第貞元元年又中賢良

授太子校書厯桂管江西福建宣歙四府

為判官副使累授協律郎大理評事三為御史

諸本多無三為

兩賜緋魚袋在州六年而人樂之廉使崔衍曰吾敢專

天下之士獨惠茲人乎

孫曰貞元十二年八月衍自號州刺史為宣歙池觀察使辟弘

簡為副

遂獻于天子拜度支員外轉戶部郎中邦賦克舉

人望逾重年四十七貞元二十年九月三十日不疾而

歿震悼之聲遐邇一辭

一作一同
一作同辭

且曰斯人也而不得

為善之利中人其怠乎君嘗三娶而卒無主婦庭無倚

廬

韓曰戰國策曰王孫賈母謂賈曰汝朝出而晚來則吾倚門而望暮出而不還則吾倚廬而望孫曰倚廬

服舍倚木

為之故名堂無抱孤有令兄弟以主其喪有孝女以守

其祀故哭於客位弔於殯東者咸加哀焉凡為部從事

府喪而當其位者三州缺而居其守者二皆得其理君

之先再世貧不得塋故以祿仕遊於諸侯薄衣食損車

馬凡十有餘祀卒獲於厥心其族屬之無主後者皆位

於墓娣姪之無歸從者咸會於家由是處約以終其世

既斂家宰庀其政

童曰家宰家之老者庀治也具也。庀匹婢切

視廩唯釜鍾

孫曰昭三年左氏齊舊四量豆區釜鍾四升為豆各自其四以登于釜釜十則鍾是四升為豆四豆為區四區為釜釜六斛四升也四釜為鍾鍾六斛四斛也視廩唯釜鍾言其家無餘財

視藏唯束帛無

餘積焉十有一月遣車歸于洛師

孫曰周禮巾車云大喪飾遣車遣車送死

者之車說文遣祖英也音朝至于洛師洛師洛陽。遣詰戰切

某日柎于墓監察御史

柳宗元聞其道而翫其文也久居又同閑

閑里門也音翰

故哀

而銘之其辭曰

郎中之道惟直是保淳泊坦厚溫恭孝友郎中之文惟

孝是宣溥暢周流炳蔚紛綸為周賢能

韓曰周禮鄉大夫之職三年則

大比考其德行道藝而興賢者能者

為漢賢良

韓曰漢史武帝詔丞相御史列侯中二千石二千石

諸侯相舉賢良方正直言極諫之士

始任讎校篇籍有光仍授使檄訐謨

用楊

孫曰詩訐謨定命訐大也

二居郎位征賦以理休聲載起顯命

伊始生而不壽孰知其止歿而不嗣孰濟其美有嗣其

旗爰舉裳帷行道遲遲望墓而歸象物是宜

孫曰象物明器卜

筮孔時里人作銘不愧於辭

唐故朝散大夫永州刺史崔公墓誌

韓曰公集又有祭崔史君敏文即永州公也文謂其等咸以罪戾謫茲南方誌云以某年月日歸塋某縣則此誌作於永州

維元和五年九月十五日壬子永州刺史崔公薨于位

享年六十八乙未殯于路寢

孫曰莊三十一年公羊傳云薨于路寢路寢者何正

寢也注天子諸侯皆有三寢一高寢二路寢三小寢

景寅遷神于舟以某年某月

日歸塋于某縣某原祔于皇考吏部侍郎贈戶部尚書

府君之墓尚書諱漪

於宜切

玄宗南巡內禪聖嗣

禪音壇府

君以謀畫定命起一旅以復天下

孫曰左氏有衆一旅一旅百人厥功

載馬

韓曰天寶十五載六月玄宗狩蜀留太子討賊太子次平涼朔方節度判官崔漪迎太子治兵于朔

方七月甲子太子即皇帝位是為肅宗俗本作崔漪字誤尚書之先曰貴鄉丞贈太

常少卿府君諱子美太常之先曰揚州江都丞府君諱

道禎

陟盈切

行高位卑華冠士族公諱某

諱敏

字某承世德

之清源浚之以蠲潔

蠲亦潔也音圭淵切

以端其志采羣言之枝

葉植之以茂實以脩其能始由右千牛備身佐環衛

孫曰

武德五年改隋左右備身府曰左右府顯慶五年改左右府曰左右千牛府韓曰唐百官志左右千牛衛上將

軍各一人掌侍衛及供御兵仗以十牛備身左右執弓
箭宿衛又云十牛備身備身左右各十二人掌執御刀

更盤屋三原藍田尉

童曰盤屋隸鳳翔藍田三原隸京兆皆縣名盤音辦屋音室

仍

有大故三徙同位

童曰言三徙皆為尉也

繼授許州臨潁汝州龍

興令推以直道二邑齊封哥舒曜尹河南

孫曰曜字子明興元元年

自東都畿汝節度使遷河南尹

鯨寇猾驚黎人捕趙表公尉河南糗糧

芻茭

韓曰書峙乃糗糧無敢不逮峙乃芻茭無敢不戎多糗熟米麥也茭乾芻○糗去久切又丘救切

備畢給版圖田洫

孫曰周禮聽閭里以版圖版戶籍圖地圖洫溝洫也應邵云溝廣四尺深

四尺洫廣深倍于溝洫許域切

民事時又遷揚州錄事參軍實吳楚之

欽定四庫全書

卷九

大都會也

童曰都會者謂一都之會

政令煩拏

女如切

貢奉叢沓一日

不胥

張曰觀文意胥當是葦字轉寫作胥耳諸韻無此字唯吳本楚辭中有如此書者今從葦葦音七入

切 錫譙四至

譙責讓韓曰錫譙言錫扶誚譚之也

公為

之優游有裕長司徒杜公與之揖讓異於賓僚

孫曰貞元元年

十二月以杜佑為揚州長史淮南節度使佑奏敏為州參軍異字一本作夷

入為太子司議

郎拜歸州刺史巖險湍悍人類鳥獸古號難理公克有

聲遷永州刺史朝散大夫惟是南楚風浮俗鬼

童曰其俗尚鬼

也

戶為胥徒家有襍梗

孫曰襍梗皆除殲之祭梗音梗謂梗禦未至之害

大者

虐鰥孤以盜邦賦毆愚蒙以神訛言悖于政經莫有禁

禦公於是修整部吏黜侵凌牟漁者數百人

牟取也

以付

信于下而征貢用集擒戮妖師毀煮蒿淫昏者千餘室

孫曰禮記煮蒿悽愴煮蒿香臭之氣淫昏左氏所謂淫昏之鬼也○煮音薰以舉正羣枉而

田閭克和寬以容物直以率下邦人方安其理措紳猶

鬱其望體魄遽降

孫曰禮運體魄則降知氣在上

哀何有窮嗚呼公前

夫人徐州參軍滎陽鄭鉅女有子曰義和早夭後夫人

萬年尉范陽盧彤女嘉淑之德繼聞宗族有子曰胎哲

貽儉克承于家洎公之兄子曰勵曰禮誠願志于墓無忘公之德銘曰

孰為德門清河濟源

童曰崔氏清河郡人

其流沄沄

童曰沄沄說文轉流也一

本作速

世有顯懿揚其清芬煥炳增華昭于後昆惟魴

與鯉

韓曰詩宜其食魚必河之魴宜其食魚必河之鯉裴氏清河人故以魴鯉喻之言世有顯德也○魴

音防舊史是尊孰為茂功尚書清風

孫曰獐為戶部尚書

藹其有融

勃焉而興

童曰左傳禹湯罪己其興也勃焉

披草從龍

童曰易雲從龍孫曰此言獐從

肅宗起靈武也

布令諸夏敷和六戎赫矣太陽克昇于中孰為

惠政公嗣餘慶形于謠咏小程其功大遂其性點更是

省

點下八切

妖風以正于邑于邦

一作施于邑邦

克揚休命孰為遺

愛公去昭代邦人斯痡

孫曰詩使我心痡痡病也痡莫佩切

始焉是賴今

也何戴孰莖我公于洛之會何以銘之徽音不昧

徽美也

故永州刺史流配驩州崔君權厝誌

劉曰崔君名簡字子敬

博陵崔君

韓曰崔氏出自齊丁公呂伋食邑于崔因以為氏後分清河博陵二望

由進士

入山南西道節度府

孫曰貞元五年簡中進士第

始掌書記

孫曰山南西道

節度使辟為掌書記

至府留後五徙職六增官至刑部員外郎出

刺連永兩州未至永而連

連州

之人愬君

愬音訴

御史案章

具獄坐流驩州幼弟訟諸朝天子黜連帥

孫曰連帥河南觀察使也

罷御史小吏咸死投之荒外而君不克復元和七年正

月二十六日卒孤處道洎守訥奉君之喪踰海水不幸

遇暴風二孤溺死七月某日柩至于永州

童曰時公為永州司馬

八月甲子藁葬于社墮之北四方步崔氏世嗣文章君

又益土博知古今事給數敏辯善謀畫南敗蜀虜

孫曰嚴礪

屢破劉關之師

西過戎師其慮皆君之自出後餌五石

童曰五石丹砂

屬之病瘍且亂

韓曰說文云瘍頭創也音陽又音易一本即作易非是

故不承於初

今尚有五丈夫子夫人河東柳氏

童曰簡要公之姊

德碩行淑

先崔君十年卒

童曰公有柳氏誌

其塋在長安東南少陵北君

以竄沒家又有海禍力不克拊三年將復故塋也徒志

其一二大者云

鯢為祖畢為父世文儒積彌厚

孫曰簡五世祖大師子挹國子祭酒挹子湜為

平章事湜子鯢鯢子畢司直畢子簡

簡其名子敬字

它本皆作字敬子

年五十增

以二莖湘澁

韓曰說文云澁水涯也澁音莖

非其地後三年辭當備

唐故萬年令裴府君墓碣

韓曰裴府君莖在元和十三年碣蓋是時作

公諱瑾字封叔河東聞喜人

童曰聞喜絳州縣

太尉公諱行儉

童曰行儉字守約

實高祖侍中公諱光庭

童曰光庭字連城玄宗侍中

實曾

祖刑部員外郎府君諱鎮

童曰鎮以蔭仕累遷起居郎祠部員外郎鎮字一本作植

非實祖大理卿府君諱徹實父公由進士上第

孫曰貞元三年

進士校書崇文館

孫曰崇文有校書郎二人掌校理書籍

飭館事修整左

春坊由是立署局

孫曰貞元八年隸左春坊

後參京兆軍事按覆校

巡大尹恒得以取直為太常主簿

孫曰唐太常寺主簿二人從七品上搜

逖疑互

歷他切

探抉逖隱

抉音決逖音鈍

宿工老師不得伏匿皆

來會堂下省股肱役喉喙以集樂事作坐立二部伎圖

卿奇其績奏超以為丞

孫曰太常寺卿一人丞二人

司空杜公聯奉

崇陵豐陵禮儀再以為佐

孫曰貞元二十一年正月德宗崩七月以太常卿士杜黃

裳平章事為禮儀使十月葬崇陵元和九年正月順宗崩仍以杜黃裳為使七月葬豐陵黃裳再辟塋為判官

離紛危

危雜貌

導滯塞關百執事條直顯遂司空拱手以

成自開元制禮諱去國恤章

孫曰高宗顯慶三年正月長孫無忌等上所修新禮

詔中外行之時許敬宗李義甫用事所損益多希旨學者非之太常博士蕭楚材等以為預備凶事非臣子所宜言遂焚國恤一篇由是凶禮遂闕至開元二十年九月新禮成遂因之不改累聖陵寢皆因

事擊綴

擊音覽綴抹衛切

取一切乃已有司卒無所徵公乃撰

二陵集禮

韓曰公集有裴君豐崇二陵集禮後序

藏之南閣轉殿中侍御

史仍拜尚書比部員外郎會校成要

孫曰比部員外郎掌勾會內外賦歛

經費之事會大計也周禮聽出入以要會

注云要會計最之簿書月計曰要歲計曰會暮歲畢具

刺金州決高弛隙

說文云弛弓解也陳阮塞也弛賞是切隙迄逆切張曰隙當作陳音丘戟

初公集陳字皆作際檢韻並
無際惟有勦音巢縣名也

去人水禍渚焚原茅闢成

稻梁陟萬年令叢劇辨肅談晏終日人視之若居冗官

然會金州猾吏來揚言恐喝以煩褻事

褻音屑

曰不得三

十萬吾能為禍公大怒召罵之恣所為吏巧以聞御史

按草具獄再謫道州循州為佐掾會赦量移吉州長史

元和十二年秋七月日病瘧泄卒

瘧詩廉切
泄音薛

始公以唯

諾聞長安中奔人危急輕出財力如索水火性開蕩進

交大官不視齒類挾同列收下輩細大畢歡喜博奕知

聲音飲酒甚少而工于紉謫謠舞擊

孫曰罵亦歌也詩或歌或罵

織屑促密皆曲中節度而終身不以酒氣加人晝接人

事夜讀書考禮收摺策牘

摺拾也音俱詠切

未嘗釋手以是重

諸公間初娶范陽盧氏無子後夫人柳氏

柳氏即公之姊

德為

九族冠生三男子喪其二焉貞元十六年某月日卒祔

于長安御宿之北原

孫曰御宿長安地名漢書亦作御羞

冢子銑

蘇典切或添泊

永二字奉樞以明年月日克塋于墓銑以文書來柳州告

其叔舅宗元願謁于墓左則涕為之銘其辭曰

有鬱其馨惟裴之卿

孫曰瑾父徽為大理卿

世服大僚

孫曰書有服在大僚

謂世為大僚也

仍耀烈名封叔申之

申重也

實惟其英雋書宮闈

孫曰謂校書崇文館

佐職于京

韓曰謂為京兆參軍

大常命吏以能增秩

相儀考禮大弁斯畢

童曰書率循大弁大法也弁與子同

鳩工展伎

孫曰

謂作坐立二部伎圖

爰備聲律或圖或書藏之府室史于柱下

韓曰

史記老子傳周守藏室之史也索隱曰藏室史乃周藏書室之史又張陽傳老子為柱下史即藏室之柱下因

以為官名補注堙為殿中侍御史故云史于柱下也

郎於會司

韓曰周禮司會之職以參互考曰成

以月要考月成以歲會考歲成以周知四國之治補注堙為比部員外郎故云郎于會司○會古外切

欽定四庫全書

五百家注柳先生集

卷

循以周大比是宜作牧于金金人允懷溝防漢潁

孫曰漢潁

漢水之許潁水際也金州臨漢故云漢潁

墊沃卒移

韓曰書下民昏墊墊都念切

增我歲

食易其芋魁游手閒民

童曰周禮閒民無職事者閒音閑

相顧聚來徵

為萬年治劇于都百務叙成談宴以娛誰恤誰恃不忍

悍吏胡巧其辭按章以遂由道斥循施施三年

施全吏切更

赦進資廬陵是遷人曰世德宜慶于延又曰良能宜力

之宣朝有大賚

童曰語曰周有大賚善人是富賚賜也

期賜其還

一作鬼

神不享命殞在前

孫曰元和十二年十月平吳元濟十三年正月大赦而墮以十二年七月

卒故云殞
命在前也

長原有墓高曾祖父淑靈是附

孫曰淑靈
謂柳氏也封

叔爰歸左右惟具孤銑磨石祈辭海陬

補注公時為永
州刺史為作此

碣遂升其趺于道之周



五百家註柳先生集卷九